

續金華叢書



竹金華叢書



少室山房類藁卷四十五

續金華叢書

澱水胡應麟明瑞著

五言排律三十三首

參知張公睿父博極羣書侈于三篋而不佞猥以臭味國士龍門執手晤言兼旬欵洽輒因揚扈寫寄詩歌凡六十四韻

六洞神仙吏三天侍從臣宣猷元借召布德重生申卓犖傾流輩飛揚邁等倫宏才川浩蕩偉度岳嶙峋令譽收南服英聲動北辰手標凝衛玠局量峙王珣調自中原合文從上國掄衣冠遊太液烏履步長春黼座瞻皇極綸扉謁帝宸金門勞執戟玉殿伺垂紳勁節先排漢昌言或借秦輪埋躬愈直檻折道彌伸李嶠箴規切陽城獻納頻幼安懷並席長孺慕聯茵貝錦初騰越牛刀試割閩蒼茫辭薊闕獲落度延津九鯉披雲夕雙龍躡霧晨千旌停枳棘鹵簿却荆榛吐握加寒賤吹噓及隱淪襟期青眼洽意氣白頭真絕代誇殊色登壇屬俊人含毫千藻發洒墨萬花新宛委羣編列瑯琊鉅軸陳玄談迴夏

棘廣譬狹莊椿竹素隋宮繕菁華鄴架論牙籤攜丙乙甲帳坐庚申
掩映堦前雪紛紜闕外塵昆池方朔秘曲水贄虞賓貳負歸漁獵撐
犁入嘯嘖懸標搜異粟輟箸驗勞薪肄免優成式徵狸劣鼎臣爰居
恒獨悟弗述詎同詢地戒遙通貉天文上接鶉七車寧後裔三篋定
前身藝圃宗師匠文園卧逸民頽垣庸築傳廢隴漫耕莘谷口霜沾
笠離頭月挂綸違時腸拂鬱避世足遘屯骭髀虞卿匹顛狂賀監鄰
備晉疑闕澤講易類嚴遵孝緒行藏僻君山積貯貧編摩淫東哲訓
誨溺劉臻擁被嗟捫虱握表笑獲麟酸吟鼯鼠狎苦蝕蠹魚嗔逕菊
荒仍燕臯蘭裂故紉桂叢居索莫蘿蔓屋艱辛壁乍完衰趙珠徒綴
大秦踟躕愁炫璞宛轉惜藏珍下里容賡曲東施屬效顰分庭延墨
翟倒屣接莊辛混俗東方朔遊仙郭景純神明交孔鮒宦業締崔駰
厚誼偏敦薄冲懷劇飲醇敲碁俄潰敵投轄剩留賓河朔差酬歲平
原漸隔旬蒼虬耶海甸彩鷁復溪濱汗漫烟霄翼崢嶸渤澥鱗宮行
聞碣石邸會葺平津敢竊丘樊賁貪隨巷陌淳孤城留保障率土耕

陶甄叱處羊難卧耕餘鹿易馴八詩猶並耀一志未全湮曳杖將投
華擔簦欲憩岷惟應挈四部絕頂對朝眞

題關壯繆侯像二十韻

代

聞氣鍾材傑蒲東迹未塵千秋聞將師一旅見君臣喪亂情偏洽問
關力愈陳飛揚辭操日突兀刺良晨大義伸三國雄風敵萬人單刀
迴魯肅巨舫困曹仁顧盼吳儂匿追奔魏卒淪七軍全解甲九域漸
同輪雀鼠張牙角蛟龍挫羽鱗章丘虞暴猾臨沮厄囂囂縛禁差踰
月誅蒙僅隔旬精靈蟠上國肝蠟徹高旻白髮心摧寇蒼髯貌絕倫
名猶懸宇宙魄已化星辰婦孺瞻依切生儒嘆息頻珠旗來恍惚鐵
胃下逡巡紫霧排僊闕丹青扈帝宸玉泉遺像在今古頌明神

送吳允兆歸雪中十韻

十年京邸客龍劍並懸腰鮓饜諸侯饋羹分上相調紅顏輕漢綬白
首又秦貂劇孟聲華壯朱家意氣饒片言籠宇宙孤諾動雲霄擊筑
聞三殿迴船就六橋離亭殘月墜祖席斷虹飄揚子行春樹錢塘落

暮潮川長歸夢怯道迴客魂消珍重浮家約無嫌雪上遙

同允兆諸子夜集趙相國齋中得山字

間氣鍾名岳頽齡覩盛顏青霞流碣石紫霧照函關贈棗安期狎偷
桃曼倩閒調羹當北極置酒傍南山後院羅絲竹中亭集珮環百僚
趨館閣九列候朝班省問皇情渥謳歌相業嫺飛鸞馴竹下舞鶴嘯
花間賜履來中禁懸壺得大還煌煌海籌屋遐算邈難攀

少傳趙公遍出宋元及近時名畫俱少傳手題縱觀移日如行
道山陰應接不暇紀以排律百六十言

宿霧雕欄霽輕烟畫榻流圖書分太液翰墨寫瀛洲玉軸標雲漢金
函控斗牛堦篁俄蔽夏簷樹迴生秋疊嶂斜窺院飛泉曲抱樓虹霓
懸佛剎日月拱皇州野老騎蒼鹿天人駕赤虬遙空盤野鶴別嶼點
沙鷗翠幄藏青杏朱房綴紫榴洞庭霜後熟陽羨雨前抽五岳紆行
步千峰夾卧遊撩吟松徑僻逐望草亭幽意態張吳幻風神顧衛道
名高黃秘監藝絕李營丘妙蹟三車聚清芬四座留諦觀殊未厭花

色墮簾鉤

俞羨長留集齋中畢出新稿索觀卒業賦贈

憶罷葵丘會誰操碣石盟中原無獨步上國有同聲
草莽元仙籍山林卽帝城玄亭窺老宿白社領時英
賦擷潘張譽詩參鮑謝評凌風吳咏擅和雪楚才驚
飲石千鈞銳披沙百鍊明虹霓流巨軸雲霧擁高旌
歲儉擔簦出時違躡屨行迷花居北院乞米傍西京
郭泰聯舟思陳登卧榻情天遙頻伐木地僻祇班荆
緣蟻窮途汎蒼龍大澤鳴跼蹐悲老驥寂寞語流鶯
舊業慚玄晏新知狎正平皇皇魯中蓋一爲美人傾

代贈滎陽郡新郛君

闕閱滎陽郡簪紳碣石筵春波明太液彩日駐甘泉
白屋書連棟彤延筆似椽千言橫赤幟萬選奪青錢
舊策龍門避新詩雁塔傳螭頭攜雨露豹尾握星躔
玉珮榮仙仗金釵簇畫船花香韋曲度樹色灞陵懸
意氣慚胡質襟期洽鄭玄通家兄弟誼好憶下帷年

夢登彭城諸山騁望大河因懷景陵徐惟得使君 新渠荒工徐

君勞勩最懋

涉險愁逋客凭高快旅人谷深疑子午河決念庚辰城郭圉千雉樓
臺簇萬鱗飛龍餘霸壘戲馬息征塵夢隔山陵使勲留社稷臣桃花
武陵澗春水正垂綸

壽沈夫人十二韻

錦石支機夜華堂設悅時婺輝流北極河影接西池趙璧邯鄲映隋
珠合浦移玉麟雙抱送金馬半驅馳內殿綵龍轂中閨濯鳳匱丸熊
昭燕翼冠翟耀蛾眉舉案依黃閣吹簫近赤墀冰桃來曼倩神棗下
安期院落花香細簾櫳樹影遲萱齡春冉冉桂實暮離離煥爛溫綸
錫煥煌命服馳漫論滄海陸庭日正逶迤

賀章宗理拜納言六韻

拜命銀臺重承恩玉陛長舊焚司諫草新縮納言章左掖鄰宮禁西
清近苑牆鳴珂趨建禮待漏入明光雨露沾堯曆風雲挹舜裳歸來

雙袖底不斷御爐香

夜窗急雨迅雷簡章生行父六韻

入夜天威動羈人賦式微疾雷穿瓦落驚電掣垣飛鶴鶴搏空迅魚
蝦掠岸肥涼生青竹簟暑淨綠蘿扉積潦盈川谷愁霖漲海圻將因
湖水畔對濯芰荷衣

贈徐司空十七韻

何來星斗色永晝駐千將意氣高元直聲華擅偉長新宮營北極故
郡憶南昌帝胄滕王閣宗支孺子堂垂天誇矯厲絕地快騰驤晁露
昆池外帷褰粵嶠傍赤墀傳鳳吹丹闕覲龍光萬戶停芝蓋千門跨
柏梁緡錢蒐海岱材木下荆襄擢節蘇黎獻憂勤翼聖王朱衣晨煥
爛彩筆暮芬芳並探圖書域先登翰墨場雄篇馳月露隻字闢風霜
麗藻芙蓉幕幽情薜荔裳疎狂容孟浩貧賤揖田方市駿帷寧敞歌
魚鉢詎忘欣傳賜履近無棣錫封疆

相國趙公損餉酒脯及鱠魚飢飫各賦排律八韻

異饌金華出甘漿玉髓流黃封螭陛底彩翰鳳池頭東海無勞牧中
山不待求清香浮綠蟻麗色映紅虬鼎鼎分朝食杯盤愜夜遊投醪
情繾綣輟饋思綢繆劇飲邀名勝加餐豁旅愁欣然聊一飽何羨醉
鄉侯

其二

耒耜莘郊畔綸竿渭水涯羹分元相座鮓合五侯家入鼎猶生霧堆
盤欲照霞刈雲連隴阪釣月倚汀沙玉粒逾紅稻金鱗錯紫茄杜鰲
知有託馮缺豈重嗟綠莖懸情劇清溪入夢還窮年勞稼穡未暇咏
蒹葭

詰旦用孺太史亦以賦茄古體至余讀之清思適發更賦排律
二章章十二韻茄爲物最賤吾兩人盛爲品題若此士固有
遇不遇也

弱植慳詞賦微名昧典墳岩廊新蔽芾隴畝舊耕耘灌溉人工洽栽
培帝眷勤先春芽甲拆首夏葉紛紜色借青綾被光欺白練裙甘漿

籠紫電嘉實抱玄雲下箸迷山蕨登盤勝野芹蹲鴟寧比芋辟蠹漫
同芸杏酪何年共梅鹽異代聞石渠根暢茂金鼎味氤氲菌蠢聊諧
俗離披曾出羣遙憐百子殿花照越羅紋

其二

植處非金谷移來是玉堂玄亭潛借色紫闥爛生光密葉團芝蓋疎
花發米囊雞頭形彷彿馬齒味參商萬子綿瓜瓞三漿沃荔房隨波
萍實麗入火芋魁香樹擬蒲廬速枝慙苜蓿長朝蘭偕飲露晚菊互
披霜祭敢勞先聖齋惟狎太常斷壘聞學士蒸瓠憶平章傳鼎調和
熟鮑厨餽飮良憑將還賤質浣滌助嘉芳

輓侯中丞六韻

寂寞青萍化蒼茫素旄昏才華新漢殿俠氣舊夷門仗鉞三軍銳登
壇百吏尊胡牀邊月墮油幙陣雲屯馬革悲王事龍章荷帝恩異時
瞻大樹奕奕象賢存

秋日過用孺太史館中看菊作

九日移庭砌三秋列苑牆吳綃紛浥露蜀錦碎勻霜幄借青綾被簪
宜白苧裳林塘寒闕色籬落靜生香戲蝶渾迷素游蜂欲讓黃朝餐
期笠澤夕采間柴桑汾水佳人興成都倦客腸龍山風日在歸埋舊
壺觴

其二

衆木凋零後羣芳爛熳時移從新上苑采憶舊東籬玉琤交璀璨金
鈿鬪陸離色披羅幔蚤香度繡屏遲綴席千霞豔浮觴片月宜含霜
晨縹緲冒雨夕淋漓隱士巖邊植騷人澤畔持何如酌甘谷萬壽獻
形墀

咏黃葉同區孝廉純玄太史用孺作

合浦飄仍遠長安落未終千林俄失翠一水間流紅寂寞經秋雨仿
徨後夜風迷蜂當觀閣伴蝶戲簾櫳命薄侔隋苑身輕異漢宮騷人
悲葦芰賦客嘆飛蓬桃杏凋元蚤芙蓉發漸空妬他籬下菊增豔向
梧桐

其二

弱質全凋露繁陰半墜霜紛紛飛玉砌冉冉覆銀牀色豈經秋澹聲
偏入夜長翠銷蘭芷珮青泥芰荷裳蒲柳俄更綠蒹葭盡變蒼隨風
吟堊寺伴雨積山堂奉帚悲長信含毫泣未央故園遙極目天濶洞
庭傍

曾秘書招同區純玄用孺汪公翰登顯靈宮閣

帝峙浮丘肅仙壇太乙崇飛薨凌廣莫傑觀峙窿穹百級懸蒼霧雙
扉闢彩虹憑高千地入望遠八天空目杳吳門騎毫披碣石鴻蓬壺
迷上下泰華辨西東樹色新豐近花香太液同慈恩何代剎紫極異
時宮絳節朝金相銖衣侍玉童長陵懷左纛太隗問遺弓不死標靈
藥浮生劇轉蓬升沈飛鳥外聚散隙駒中氣色眉山秀才華粵嶠雄
踏歌郭郡客獻賦杜陵翁藉草遊寧倦捫蘿興未窮吾將趁昏黑絕
頂御罡風

壽茆母八韻

爛熳青霞色晨飛玳瑁筵庚寅初降日甲子乍周年鳳翽秦樓下鸞
書漢闕傳芝停句句曲蓋芟擁若耶船酌醴春光媚含飴樂事綿雙珠
呈碣石片玉照藍田躍鯉看純孝烹雞識象賢瑤池八萬里振佩白
雲前

載別靜父澱元二宗人并懷徐陳茹王四子

吾宗神秀裔二仲最翩翩桂樹燕山並棠花易水聯名園鄰北郭別
墅帶南阡曙聽鉤輅去昏馳叱撥旋妖童攜筆策治女競鞦韆遠寺
投清磬長堤簇畫船清風貽賦頌白雪和詩篇徐幹才名著陳遵翰
墨傳茹容腸鬱結王粲思飛鴛屢入華陽社俄空碣石筵河梁愁緒
促海國夢魂牽意氣長虹折襟期片月懸放懷丹壑近迴首碧雲偏
灞岸重登日陽關乍出年吳山初放鶴越岫正啼鵲日夜相思切瑤
琴抱絕絃

侍御葉公資送樓船抵杭賦謝五百字

伏柱辭燕闕攀帷向虎林花驄千里道竹馬萬家心白筆含霜動朱

旗曳霧臨埋輪神鬼避折檻帝王欽捧日聲華著迴天意氣任斜封
先罷勅直指載題箴鼓吹錢塘岸樓船震澤潯浮江消癘疫煮海蕩
氛祲豸繡威祛蜮魚鹽獎剔蟬三吳豪右懾兩制吏氓悵縣柳標前
植谿蘭拂舊紉河陽霞粲爛秋浦月蕭森紫霧催千舄丹青麗宓琴
名賢遺惠愛茂宰播芳馨鹵簿江州却橋梁灩水尋兒童羣接袂父
老競披襟合浦光搖電函關氣屬雲澹臺徵往昔石戶詢當今僕射
憐才切司空拜善謚衡茅蒐野逸草莽薦崎嶇未契申盧駱孤悰託
向禽公車時序換客邸歲華侵絕域傷流寓荒塗惜滯淫一身餘杖
屨十口互衣衾驟得鸞翔漢真憐鮒涸涔銀缸寒仵照玉罍醉頻斟
董相虛陳策莊生實廢吟乘槎騫並適捧檄義同歆足刖寧愁卞頭
風欲愈琳誼高雙白璧賜盜萬黃金獎篋離并塞輕裝發薊岑嚴城
宵擊柝古戍暮傳砧野店黃茆簇山郵綠樹沈沿淮程冉冉入越路
駸駸蕙圃欣逢鵠楓亭快食鱖孤帆移雪上敝宅認山陰猿狖迎空
谷鷓鴣集故林陳情慙李密養志愜曾參午酣甜仍黑晨炊突漸黔

蘇機聊下軸寶錦趣停針草閣啗雙燕椿庭戲五禽蓬蒿行處合蘋藻薦來歆白鳳騰書帙蒼龍掣劍鐔銜恩腸易結飲惠舌難啗八表瞻星象三韓待雨霖羹牆時自劇翼卯定誰深灑墨紉丹匱濡毫綻綠沈惟應感知什百代爲知音

再送包觀察稚升之閩中

已奏淮陽績仍浮渭北船飛霜隨憲節明月挂離筵郡邑嶠函外城闐灞滄前重關行紫氣別業問藍田六傳排雲日雙旌拂漢年袖中龍劍色燁燁射星躔

贈別區太史用孺三十韻

屈指登壇業如公更幾人英詞擢晉宋大雅擷周秦粵海三珠耀岷岡片玉掄紅顏攀桂闕白面上楓宸棣萼燕山下梅花易水濱珮紆新鶯驚袍奪舊麒麟秘閣然黎夜香亭屬草晨橫身飛日月舉足步星辰意氣深流輩風期絕等倫湘臺盟景屈鄴郡締徐陳契爲論文篤交緣作賦神舟聯吳苑雪笠共漢京塵馬走提攜渥牛驅顧盼頻

空林移皂蓋委巷曳朱輪握麈酬玄度濡翰接景純留連時達旦卧
起或經旬岳立千秋廢冥搜萬象陳高標凌泰岱厚誼薄峨岷劔妬
芙蓉合衣便薜荔紉駿材寧易屈龍性故難馴獲落商巖畫棲遲渭
渚縉楊雄玄寂寞宗炳卧逡巡別恨催紅葉歸期趁綠蘋一丘容寄
傲九域藉經綸石戶偏懷璧天堦憶賜銀孤鶩憐大翼獨處笑窮鱗
徙倚三垣切參差一德鄰乾坤留哲匠社稷待詞臣努力時餐飯關
心數飲醇金閨墜梁月投夢澗溪垠

夜集萬中丞齋中二郎君出侍翩翩玉立且風致卓爾不羣追
賦八韻寄懷并似中丞以當尺一

識面雙投刺舒懷一抱琴雲中鴻雁翼原上鶴鴿心並宿桃花岸聯
飛桂樹林風華喬梓茂意氣棣棠深翰墨眉山下箕裘洛水潯藍田
誇合璧麗浦重兼金文武家聲擅詩書世業任西堂春色蚤爛熳憶
披襟

謁關武安祠十八韻

代